

SCHROTT - SCHNITZELBÄNKE FASNACHT 2020

Schrott isch do, Schrott isch cho
Um wieder öpper abe z'lo
Schrott isch do, Schrott isch cho
Jo jetze si mer do
Dä Schrott - wo mir jetz vo n'is gäh
Dörft Dir nid z'fescht z'Härze näh
S'isch Narrezyt - s'isch Fasnachtszyt

Ohni Natel bisch du hütt am Ändi
S'isch nüt me im Chopf - nume no uf em Händy
U hesch mou dä Chnoche deheime glo
Wirdsch sofort närvös - so chas jo gar nid go
Nume mir - «Schrott» - tüe no dichte u singe
Und wei öich so - äs paar Gschichtli bringe

Rasen mähen will gelernt sein

Melodie: Immer wieder sonntags (Cindy & Bert)

Jeden Samstag tönt es immer wieder
In den Gärten hier im Dorf zuhau
Rattern diese grässlich lauten Lieder
Rasenmäher nehmen dir den Schnauf

Vor dem Winter will er's nochmal wissen
Holt den Mäher und füllt Benzin ein
20 Mal schon an der Schnur gerissen
Bis dann endlich aufsteigt ein Rächlein

Immer wieder samstags - will er den Rasen mähn
Dann hörst du es laut motoren
Er läuft hin und her in flottem Schritt
So gibt's meistens einen schönen Schnitt

Immer wieder samstags - kannst du ihn laufen sehn
Dann hörst du es laut motoren
Doch an diesem Tag will's nicht recht geh'n
Denn die Gräser bleiben steh'n

Was zum Teufel ist denn schief gelaufen
Der Motor heult laut und schrill nun auf
Muss wohl einen neuen Mäher kaufen
Denkt sich dabei der Martin Thürkauf

Immer wieder samstags - will er den Rasen mähn
Dann hörst du es laut motoren
Doch da plötzlich kommt ihm in den Sinn
Dass ja da ist gar kein Messer drin

Immer wieder samstags - kannst du ihn laufen sehn
Dann hörst du es laut motoren
Hebel rauf, dass der Motor verreckt
Sonst ist der im Nu defekt

Ä nöie Job hett's in sich...

Melodie: Ei du scheene Schnitzelbank

Ä nöie Job foht eine a
Uf d'Büez wott är mit ÖV ga
Doch z'Bärn stigt är i lätz Zug i
Am erscht Tag zwe Stung hingedri
Äs isch ihm piinlech - är wird ganz bleich
Am Blaser Dani - passiert dä Seich

Velo-Stehlerei

Melodie: Mani Matter «Bim Coiffeur»

Äs Velo liegt gäg Chräilige scho zwe Wuche im Bach
Herrjemine - isch das jetz wieder ä leidigi Sach
Es gseht nid äbe zfriede oder glücklech derbi us
Im Gägeteu - das Wasser isch für d'Lager doch ä Gruus

Jetz ändlech hett dr Buur vo näbedra derfür ä Blick
Und fischet mit der Gable zum Bach us das nasse Stück
Är steuts a Zuun u lüet grad am Wärrchhof vor Gmeind ah
Sie chömi grad cho luege - är söu's nume dert la stah

Jetz isch das bi Beamte äbe haut ä chli eso:
Wenn's sofort heisst - chasch du aus Buur no guet zur Ärti go
So isch der Knuchel Beat mit sim Velo nidsi drus
Go Nüss ablase - steut sis Velo näbe's Hühnerhus

Dert unge bi der Fischzucht steit ä schöne grosse Boum
Voll Nüss isch b'hanget - fliesst dert s'Bächli wie ne nasse Soum
Jetz hett dä gueti Ma vor Gmeind das Velo dert grad gno
Gseht wit und breit im Momänt grad kes angers ume stoh

Wo Knuchel Beat fertig isch am Boum u hei wott go
Do froggt är sich: „Wo isch mis Velo - ha's doch hie lo stoh“?
Nach Woche ersch git d'Polizei de Bricht däm arme Ma:
Är chönnti jetz sis Velo hole - äs sig wieder da...

Handy verloren

Melodie: dr Hans-Jakobli und s'Babettli (Mani Matter)

Vier Bursche hei's im Usgang luschtig
Hei trunke feie chli ä Ruschtig
Bir Valiant bim Kreisu unge
Zum hei go sich de düre g'runge

Am Morge früh - so gäg die dreie
Tuet eim de s'Handy z'Bode gheie
Zur Jagge us isch ihm das gschlüffe
Merkt's nid - u isch de witer glüffe

Chli später gseht me de die Giele
Öppis am Bode ume striele
Fasch uf de Chnöi- scho roti Gringe
Mit Hoffnig - dass sie's ändlech finge

Sie hei scho fasch chli afa strite
U wächsle jetz no d'Strosse-Site
Doch d'Lag wird mit der Zyt no schlimmer
Wahrschinlech isch das furt für immer

Mit Handy loht sech nid lo spasse
Die vier chöi's immer no nid fasse
U d'Stimmig isch am Töifpunkt unge
Der Lüthi Pädu hett's nüm gfunge

Hett sogar no chli afo flueche
Är isch gloub immer no am sueche

Busbetriebe Kräiligen - Bätterkinden

Melodie: s'Träimli (Kapelle Bossbuebe)

Vor paar Johre hesch du aube - praktisch chönne jo
Vo Chräilige uf Bätterchinge - mit em Büsli go
Trotz 17-hundert Ungerschrifte -wo meine „jetz erscht rächt“
D'Erhebig vom 2-Persone-Schnitt - gseht haut us sehr schlächt

S'isch ja nur äs chlises Träumli gsi
Träumli sind ja doch so schnäll verbi
S'isch ja nur es chlises Träumli gsi
Träumli sind so schnäll verbi

Mir gsuche der Wäg - wo z'mingscht 6 Mou am Tag chönntisch
mitfahre
Obsi u nidsi ir erschte Reihe - i Gmeindspräsi's Chare
So hättisch du am Änd grad doppleti Kapazität
Drum isch d'Amtszitbeschränkg furt und jetz Realität

S'isch ja nur äs chlises Träumli gsi
Träumli sind ja doch so schnäll verbi
S'isch ja nur es chlises Träumli gsi
Träumli sind so schnäll verbi

1. August-Feier

Melodie Basler (c fff - f a-a)

Am 1. Ougschte '19 hett bim Schützehüsli unge
Die autbewährti Ougschtefiir vom ganze Dorf stattgunge
Mit Spiu für d'Ching - äs Ässe - und ou Musig wird no botte
Wenn's ändlech fiischer wird tüe d'Lütt zum Ougschtefür de
trotte

Chuum hett sech de das Füre entwickelt und brönn lichterloh
Isch scho bir Fürewehr churz druf ä Alarm grad inecho
S'geit nid lang - chasch bir Houptstross vor scho s'erschte
Blauliecht gseh
Äs TLF und süsch no Chäre - s'chöme immer meh

Dä Eidgenoss - ir Angscht - hett bir Alarmzentrale b'richtet
Chli weschtlech vom Hornusser-Hüsli heig är Flamme g'sichtet
So fingt de d'Fürewehr niene öppis brönends - ou kei Schüre
„Herr B. vom Bärenmattwäg - das isch üses Ougschtefür“

Sahara-Staub

Melodie Basler (c fff - f a-a)

Das Schwiizer Fernseh meint's wou mit em Meteo nur guet
Wenn ihri Fachlütt uf em Dach stöh mit em Sunnehuet
Schleierwolke, Donnerwätter - aus wird eim erklärt
So wärde mir en passant pädagogisch wärtvoll gnährt

Doch aues isch e Frag vom Mass der Dinge - wie me weiss
U mängisch wird ou z'viu verzeut vo au dem Wätter Scheiss
So dass me schliesslech ganz verwirrt im Sofa sich pliziert
Vor luuter Wätterphänomen chli überreagiert

Am Bahnhof z'Bätterkinde hetts drühundert oder meh
Ou s'Velo vo dr Brigitte Meier chasch dert öppe gseh
Sie nimmt das Gfähr am Morge suber us em Garage use
Am Obe isch äs söfu stoubig dass äs eim duet gruuse

Vo soo wiit här, wie s'Schwiizer Fernseh üs hett prophezeit
Isch dä Stoub jetz ou nid uf das Velo abe gheit
So chunnt dä Dräck woorchschiins* nid vo der ferne Sahara
Ne nei - Frou Meier!! - dä isch vo der Boustell näbedra

*Jan Eitel lässt grüssen

Zigeuner im Land

Melodie: Lustig ist das Zigeunerleben

S'hett ä Landwirt am Rand vom Dorf *Faria faria ho*
Fahrendi iglade uf sim Hof *Faria faria ho*

Chuum het me do dervo Lunte groche
Hei die Lütt wieder aues verbroche
Faria faria faria faria faria ho

Ir Landi sig d'Schissi schnäu überloffe *Faria faria ho*
Mit Merze fahre si vor - äüä bsoffe *Faria faria ho*
Mi hett d'Securitas müesse ha
Die gwohnti Ornig muess wieder stah
Faria faria faria faria faria ho

D'Nachricht chönnt me ä so lo stoh *Faria faria ho*
gradlinig im Läbe wiitergoh *Faria faria ho*
Doch muess me de mit dr Meuti bäue?
S'Urteil immer grad sofort fäue?
Faria faria faria faria faria ho

Wo tüe d'Bure de d'Bschütti häre *Faria faria ho*
Sie tüe mit dere s'Kulturland nähre *Faria faria ho*
D'Versorgig sig nume garantiert
Wenn d'Schissi vom Stall dusse s'Fäud garniert
Faria faria faria faria faria ho

Au die Mercedes dick & fett *Faria faria ho*
Chäre wo offebar jede gärn wett *Faria faria ho*
Im Flachland bruucht me ä S. U. V.
Äs Nutzfahrzüüg wo söu sportlech si
Faria faria faria faria faria ho

G'chlauet heige die Frömde ir Landi *Faria faria ho*
Bi dene isch ou nid jede äs Bambi *Faria faria*
Au die günschtige Ware dört
Chöme vom Oschte - was sich nid g'hört
Faria faria faria faria faria ho

Jetzt si üser Gedankegäng *Faria faria ho*
Mängem äüä scho ordeli z'läng *Faria faria ho*
Das chönnt me sicher viu chürzer säge:
Tüet vor der eigete Hustür fäge
Faria faria faria faria faria ho

Leider stromlos

Melodie: An den Ufern des Mexico River

An den Ufern des Emmen Rivers
Hat ein Stromkabel seinen Lauf
Und die Hornusser sind glücklich und zufrieden
Es bringt ihnen Strom zuhauf
Jupi ei -Jupi ei
Liefert den Papieri Strom zuhauf

Dann erfolgt der Rückbau der Papieri
Dabei wird auch das Kabel demontiert
Und die Leute der HG bei der Emme
Ohne Strom sind ruiniert
Jupi ei -Jupi ei
Ohne Strom sind sie nun ruiniert

Ohne Licht ist's am Abend zum Heulen
Eine neue Leitung von Kräiligen her
Kommt sehr teuer - so können wir empfehlen
Ein Lagerfeuer - das belastet nicht so schwer
Jupi ei -Jupi ei
Ein Lagerfeuer - das belastet nicht so schwer

Abenteuer Schuhe

Melodie: Du hast mich tausendmal belogen (Andrea Berg)

Ihr habt mich tausendmal getragen
Ihr habt mich tausendmal gestützt
Mit euch kann ich es immer wagen
Doch plötzlich hat's nichts mehr genützt
Ihr ward der Halt - in meinem Leben
So oft hab ich mit Euch gelacht
Bis auf das allerletzte Mal - Samstagnacht

Im alten Bad find ich mich - mit Guggenkollegen
Einen Trink hier und dort über den Durst zu heben
Und sich darauf am Morgen nicht erinnern kann
Der Meier Tinu - er hat - keine Schuhe mehr an

Ihr habt mich tausendmal getragen
Ihr habt mich tausendmal gestützt
Mit Euch kann ich es immer wagen
Doch plötzlich hat's nichts mehr genützt
Ihr ward der Halt - in meinem Leben
So oft hab ich mit Euch gelacht
Bis auf das allerletzte Mal - Samstagnacht

Falsche Kasse

Song : Petra Sturzenegger Stubete Gäng

Fasnacht z'Bätterchinge - Fasnacht z'Bätterchinge
Jede hett se wöue - jede hie wott se ums verrecke
Fasnacht z'Bätterchinge - Fasnacht z'Bätterchinge
A dere muesch du si - do geit's nid ohni di

Letscht Johr do hocke sie im Stärne am runde Tisch
Mit em Ässe und em Dessert me scho fertig isch
S'isch Zyt zum zahle - seit die Gruppe unkompliziert
Aues zäme zöue - u dür d'Anzahl Lütt dividiert

Zur gliche Zyt - der Vielharmoniker-Uftritt isch z'Änd
Sie duet izieh mit dem Zylinder - die Superband
U de am runde Tisch - dert strahle sie
Grad 2 Persone tüe je 70zig Stutz dert dri

Fasnacht z'Bätterchinge - Fasnacht z'Bätterchinge
Jede hett se wöue - jede hie wott se ums verrecke
Fasnacht z'Bätterchinge - Fasnacht z'Bätterchinge
A dere muesch du si - do geit's nid ohni di

Druf wott d'Serviertochter izieh ihres Gäud
Do gseht sie - dass's nid längt u no vo zwöine fäuh
Mir hei's doch i Zylinder do - seit dä Herr ganz nätt
„Geit mi nüt a“ - meint der Service - „ig jetz s'Gäud gärn hätt“

„Ou verdammt - das muess ig bir Musig schlichte“
Steit sofort uf u hofft - är chönni's richte
U dä Chlütter - wie so Musiker si - ohni Gmügg
Gä ne ar Nyffenegger Möne und am Hempten zrügg

Fasnacht z'Bätterchinge - Fasnacht z'Bätterchinge
Muesch du zersch erfinge - dert gitt's mängisch längi Gringe
Fasnacht z'Bätterchinge - Fasnacht z'Bätterchinge
A dere muesch du si - do geit's nid ohni di

SVP Wahlen

Melodie: Dr Sidi Abdel vo El Hama

0

S'hett Wahle gäh im Herbscht für d'Bätterchinder
Mit Fischer, Nyffenegger und em Linder
Und wiu's so guet isch gscheh
Do wott me geng no meh
Und zouberet ä Frou us em Zylinder

Jetz isch haut d'Politik nid so verlässlech
Und mängisch wird's sogar äs bitzli hässlech
Wiu haut der Souverän
Isch mängisch gar mondän
Und fingt das Hergebrachte nümme pässlech

Wie üblech uf em Land isch d'SVP
Beliebt, wie me sich wünschti hie dr Schnee
Doch mit de nöie Lütt
Wo do jetz wohne hütt
Längt ei Partei im Dorf haut nümme meh

Am Morge nach de Wahle z'Bätterchinge
Begänisch öppe Lütt mit rote Gringe
Vo siebe haut nur drei
Verrächnet sich d'Partei
Der Eint muess sogar über d'Klinge springe

End:

Wenn me - wie mir - us wohre Gschichte Värse dichtet
Vo coole Stories und Begäbeheite brichtet
De cha's passiere, dass es plötzlich afot liire
Drum höre mir jetz uf und göh no chli go fiire

Danke
Schnitzelbankgruppe Schrott